



Broj: 10-05-28215/16  
Sarajevo, 24.11.2016 godina

**SKUPŠTINA KANTONA SARAJEVO**  
**-Služba za skupštinske poslove-**

**PREDMET :** Odgovor na zastupničku inicijativu

Zastupnica Neira Dizdarević, na 20. Radnoj sjednici Škupštine Kantona Sarajevo, održanoj dana 19.10.2016 godine, u okviru tačke Dnevnog reda „Zastupnička pitanja inicijative i odgovori“, a u skladu sa Poslovnikom Škupštine Kantona Sarajevo, pokrenula je zastupničku inicijativu:

*„.... Vladi Kantona Sarajevo da pokrene aktivnosti koje će osigurati pravo prednosti u javnim ustanovama u Kantunu Sarajevo, bez čekanja u redu za porodice djece i osoba sa invaliditetom/poteškoćama u razvoju.“*

U vezi sa postavljenim zastupničkim pitanjem dostavljamo slijedeći:

**O D G O V O R**

Ministarstvo zdravstva je inicijativu uvažene zastupnice Neire Dizdarević, a koja se odnosi na osiguravanje prava prednosti u javnim ustanovama u Kantunu Sarajevo, bez čekanja u redu za porodice djece i osoba sa invaliditetom/poteškoćama u razvoju, dana 07.11.2016 godine, dostavilo svim javnim zdravstvenim ustanovama Kantona Sarajevo, te zatražilo mišljenje o istom.

S tim u vezi, zdravstvene ustanove su dostavile svoje mišljenje, a istim su izrazili podršku navedenoj inicijativi, te smatraju istu opravdanom.

Naime, želimo istaći da su javne zdravstvene ustanove i u dosadašnjoj praksi uglavnom izražavale senzibilitet prema navedenoj kategoriji djece, te uglavnom primjenjivale „nepisano“ pravilo, da porodice djece i osoba sa invaliditetom/poteškoćama u razvoju imaju pravo prednosti, bez čekanja u redu.

Naime, dužni smo istaći da zakonskim i podzakonskim aktima u oblasti zdravstvene zaštite nigdje nije navedena mogućnost prvenstva pri pregledu za određene kategorije stanovništva, već je u skladu sa medicinskom strukom liječnik u hitnim stanjima dužan pružiti pomoći svakom pacijentu bez odgađanja, a ostale pacijente dužan je primati prema stepenu medicinskog prioriteta, odnosno prema listi čekanja.

Hitnim stanjima smatraju se ona stanja kod kojih bi zbog nepružanja liječničke pomoći mogle nastati trajne štetne posljedice po zdravlje (invalidnost) ili po život pacijenta.

Zdravstvene ustanove su svojim internim aktima već omogućile prednost pri čekanju invalidima, šehiskim porodicama, trudnicama.



Dakle, uvažavajući sve naprijed navedeno, Ministarstvo zdravstva podržava navedenu inicijativu, te će u saradnji sa zdravstvenim ustanovama omogućiti pravo prednosti na pružanje medicinske usluge, bez čekanja, osobama sa invaliditetom / poteškoćama u razvoju u javnim zdravstvenim ustanovama Kantona Sarajevo.



web: <http://mz.ks.gov.ba>  
e-mail: [minzdrav@ks.gov.ba](mailto:minzdrav@ks.gov.ba)  
Tel: + 387 (0) 33 562-104, Fax: + 387 (0) 33 562-243  
Sarajevo, Reisa Džemaludina Čauševića 1

